

Ūn-tōng Tiòh-sī Seng-óah ê Sít-chiàn!

Tōa-thâu-liân

Seⁿ tī Tâi-ôan, m̄-sī lí hō siā-hōe kái-piàn, tiòh-sī lí khi kái-piàn siā-hōe. Siū Ti-Káu Kàu-iók tōa-hàn ê gín-á, bô su-sióng, bô jîn-keh, khòaⁿ bē-tiòh ka-kī, mā khòaⁿ bē-tiòh sè-kài.

Ka-chài, tãi-hák sī-tãi chiap-chhiok “ūn-tōng” liáu-āu, góa khòaⁿ chheng-chhó thé-chè ê pún-chit, mā khòaⁿ chheng-chhó ka-kī, chai-iaⁿ ka-kī beh tui-kiū siáⁿ, koh khah chai-iaⁿ ka-kī m̄ kam-gōan gōng-gōng chò lô-lē.

Ūn-tōng” sī teh hóan ap-pek, beh pah-phò niú-khiok ê kè-tát-koan, tēng-sin chhiau-chhōe lāng ê kè-tát, khi-chō sin kok-ka, sin siā-hōe, kā chit-ê gōan-chek chiáⁿ-chò ka-kī ê chú-thé ì-sek, iōng chit-ê tióng-sim su-sióng khi chham-ú tók-lip ūn-tōng, hū-lú tháu-pàng ūn-tōng, bó-gí ūn-tōng, kang-lāng ūn-tōng, khōan-pó ūn-tōng, gōan-chū-bîn ūn-tōng....., ūn-tōng sī chōan-bîn-sèng--ê, kan-ta cheng-chha lí sī khiā tī toh 1-ê ūi chhut-hoat nā-tiāⁿ.

-kú chit 3-tang, tī 1-kóa siā-ūn khō-á khòaⁿ--tiòh ê hiān-siōng sòa m̄-sī án-ne: hoah Tâi-tók..ê, bô beh kóng kai-kip; bú kang-ūn..ê, bô teh chun-tiōng cha-bó-lāng; chò lú-kōan..ê, bē khi su-khó bó-gí ê tiōng-iàu....., chit-kóa siā-ūn thōan-thé chiú tī ka-kī ê khō-á lāi-té, chiāng (1-ê lāng) chò 1-khóan, án-ne lōh--lāi, Vision siuⁿ éh, mā bô hoat-tō khui-khoah. Chioh-m̄ng, nā kan-ta beh cheng-chhú kok-ka tók-lip ê khang-khak-á, bô beh thó-lūn sin kok-ka ê lōe-hām kap bûn-hòa, án-ne beh ài chit-chióng kè-siók lāng-chiáh-lāng ê kok-ka chhòng siáⁿ? Nā kan-ta beh cheng-chhú kang-lāng lī-ek, bô beh kiám-thó hiān-chhú-sī ê hū-kōan thé-chè, án-ne cha-bó-lāng ê kai-kip tē-ūi tī toh-ūi? Nā kan-ta beh cheng-chhú lú-kōan, kái-siān seng-óah khōan-kéng, bô beh lòng-phò kok-ka ki-khi, siau-biát thóng-tī chip-thōan, án-ne lán ê gín-á kāng-khóan bē-hiáu kóng bó-gí, óh--tiòh..ê sī thóng-tī-chiá àu-tah ê bûn-hòa, Tâi-ôan-lāng iū-gōan hō Ti-á kóan.

Kū-nī nī-té, kap pēng-iú khi kang-hōe chiáh bóe-gê, pún-té siūⁿ kóng, chioh chit-ê ki-hōe khi kám-siū kang-hōe ê khi-hun, mā sèk-sai tng-kú í-lái bú kang-ūn ê siān-pái, tiòh hēng-phut-phut kap pēng-iú khók hóe-chhia lōh-lām, khi kàu hōe-tiūⁿ, lāng chiáⁿ chē, khi-hun mā put-chí sio-lō, m̄-kú kap góa thâu-khak lāi siūⁿ..ê, thiaⁿ..ê bô-kāng, tian-tò sī sóan-kí-tiūⁿ ê khi-hun, hit-chūn tng beh sóan kōan-gī-ôan, kui-tiūⁿ lóng-sī hāu-sóan-jîn teh cháu-chōng pài-phiò, koh 1-ê 1-ê pài-tūi khi tãi-á-téng kóng-ōe, pún-té hēng-phut-phut ê sim-chiáⁿ sòa chhek-1-ē. Khui-toh liáu, chú-chhī-jîn ōaⁿ-chò 1-ê chhēng-chhah chiáⁿ hiam ê cha-bó-lāng, hōe-tiūⁿ ê khi-hun sūi koh piàn-khóan, “辣妹 1-ê 1-ê ōaⁿ, saⁿ jú chhēng jú chió, tōng-chok jú lāi jú ín-tōng cha-pō-lāng ê gōan-sú iók-bōng, koh ē lōh-khi tãi-á-kha

kap cha-pō-lâng “sin-thé hō-tōng”, kui-tiūⁿ ê phók-á-siaⁿ, hoah-hiu-siaⁿ, hō góa lak jíp-khì “chiú-tiàm” hām “niau-á-keng” ê khong-kan lâi-té, kang-hōe kàn-pō kap ôan-kang 1-ê 1-ê piàn-chò siau-hùi cha-bó-lâng sin-thé ê lâng-kheh, sió-chiá tī lâng-kheh ê bák-chiu chêng thng kah kng-kng-kng, tī in ê sin-khu téng-kôan nò-lâi nò-khì, siàu-liân..ê tòng bē-tiâu, phīⁿ-khang-hoeh sùi chōaⁿ--chhut--lâi. Soah-tiūⁿ ê sī, thiaⁿ tiòh 1-ê kang-hōe kàn-pō kâ lâng phín kóng: “Chhiàⁿ chit-thôn chiaⁿ bân-5 khò niâ, lín nā ū su-iàu, ē-sái chhōe..góa, góa kap in chiâⁿ sèk.....”. Góa 1-sī pun bē chheng-chhó sī tī kang-hōe chiaⁿ bóe-gê, á-sī tī “gū-bah-tiūⁿ” hō lâng chau-that?

Pān chit-chióng bóe-gê, tùi cha-bó kang-lâng ê chun-tiōng tī toh-ūi? Kang-hōe sī kang-lâng kàu-iók kap chiàn-tàu ê chō-chit, sī beh thiau-chiàn chit-ê thé-chè, siā-hōe tùi cha-bó-lâng phiⁿ-siūⁿ bô chun-chhūn, tong-jiân mā sī thiau-chiàn ê tùi-siōng, chit-má ê lâng sòa piàn-chò chhùi--nih kóng teh chò ūn-tōng, hiān-sit seng-óah tian-tò teh chau-that cha-bó-lâng.

Ūn-tōng ê gōan-chek sī tī seng-óah tiōng kiám-giām..ê, chò..ê kap kóng..ê bô it-tì, beh án-chóaⁿ kâ lâng kóng lí teh chò ūn-tōng? Lí ê jîn-keh beh án-chóaⁿ hō lâng sin-hòk? M̄-bián siau-hùi cha-bó-lâng ê sin-thé liáu-āu, chiaⁿ koh khan-thoa kui-tui lí-iū lâi póe-hōe, ka-kī to bô-hoat-tō kian-chhi ūn-tōng ê gōan-chek--a, beh án-chóaⁿ ín-tōng Tâi-ôan kek-bēng ê éng? Chò ūn-tōng bô siáⁿ, ták-ê lóng ē-hiáu hoah, tiōng-iàu..ê sī lí án-chóaⁿ kâ lí-liām lók-sit tī seng-óah--nih, kek-bēng chiaⁿ sī ùi seng-óah tiōng khai-sí!

(Chok-chiá sī TGB Hak-seng Tâi-ôan Gí-bún Chhiok-chìn-hōe sêng-ôan)